





Knjižarna in univerzitetna knjižnica
v Ljubljani


R

124826



Sehr selten





882151

Der Von Magde-
burgk Ausschreiben
an alle Christen.

Anno M. D. L. den
XXIII. Marcij.



Gedruckt zu Magdeburgk
Durch Hans Walther.

Psalm. CXL.

Verrette mich **HERR** von den
bösen Menschen / Behüte
mich für den freueln Leuten

Die Böses gedenccken in ihrem Her
zen / Vñ teglich Krieg Erregen.

Sie scherffen ihre Zunge / wie eine
Schlange / Otterngiffte ist vnter
ihren Lippen / Sela.

Beware mich **HERR** fur der Hand
der Gottlosen / Behüte mich für
den freueln Leuten / Die meinen
Gang gedenccken vmb zustoßen.

Die hoffertigen legen mir stricke / vñ
breiten mir seile aus zum Neze /
vnd



73/1956

vñ stellen mir fallen an den weg/
Sela.

Das habe ich dem HErrn geklagt/
Du bist mein Gott/Herr vernim
die stimme meines flehens.

HERR Herr meine starcke hülffe/
Du beschirmest mein Heubt zur
zeit des streits.

HErrre lass dem Gottlosen sein be-
girdenicht / Stercke seinen mut-
willen nicht / Sie möchten sich
erheben/Sela.

Das vnglück/dauon meine Feinde
radtschlagen / Müsse auff yhren
Kopff fallen.



Stade vnd frie-

de von Gott vnserm lie-
ben Vater / vnd vnserm V&Aern
vnd Heylande Ihesu Christo/
wünschen vnnnd entbieten wir

Bürgermeister / Rathmann vnnnd Innungs-
meister der Altenstadt Magdeburgk / allen vn-
sern lieben mithbrüdern inn **CDXIX**
DES / mit erbietunge vnser willigen dien-
ste stets zuvor.

Es gelanget an vnns
lieben Christen / als solt damit vmbgangen / vñ
mit grosser gefahr practicirt werden / vns vnnnd
andere die bissher auß Gottes genaden / vber
seinem waren Göttlichen Wordt gehalten / mit
vielen volck zu vbertziehen / vberfallen vnnnd an
Leibe / guth vnd der Seele zuuorterbien / das wir
denn dem Herren klagen müssen / vnnnd wissen
auch vorwar / das ehr vnser **GOTT** ist / vnd mit
gnaden bey vns vnd allen seinen lieben Christen
sein / vnd ewiglich bleiben wirt / der wolle solche
gefährliche der Welt böse anschlege / gnediglic-
hen abwenden vñ vorhindern / das ehr denn ane
allen zweiffel wol durch tausenterley wege thun
kan / vñ auch gewisslichen thun wirdet. So
werde wir derhalben geursacht / vnser klagende
notdurfft vnnnd vnschult vnserm lieben **GOTT**
vnnnd der gantzen Christenheit anzuzeigen / vnd
inn diesem vnserm Ausschreiben werden fürnem-
lichen

lichen dieſſe ſtücke gehandelt. **Zum er-**
ſten ſo wird darynne mit beſtendigem grunde be-
weret / das vns wieder nach Göttlichen noch
auch den gemeinen geſetzten Rechten / kein vns
gehorsam odder Rebellion mag aufferlecht wer-
den / mit antzeige / worumb vns der Sathan vñ
Antichriſt mit ſeinem anhang bey der höchſten
löblichſten Keyſerlichen Maye. wiewol mit vns
grunde / vorhaſt gemacht / vñnd jnn die Keyſers-
liche acht gebracht haben.

Zum an-
dern ſo werden alle Chriſten mit Göttlicher vñd
Warhaſtigter Schriſt vormanet vñd vberzen-
get / das ſie mit guttem gewiſſen / vns nicht mü-
gen helffen bekriegen / vbertziehen noch beſchwe-
ren / Vñd das alle die yennen / ſo ſich wieder vns
vñd yhre mitchriſten gebrauchen laſſen / nicht
alleine die Chriſten / ſondern vnſern heiland Ihe-
ſum Chriſtum ſelbſt verfolgen / vñ darumb auch
die rechten verfolger Chriſti ſein.

Dierbey
werden etzliche vermeinte aufflagen / arckwöne
vñ lügen / ſo felschlichen vber vns zu vnſerm vn-
glimpffertichtet / vñnd zuſorderſt jn fremde ent-
ſeſſene Leute gebildet / mit warheit abgelenet ver-
antwortet vñd entſchuldiget / mit anhangender
Chriſtlicher bit.

Vñd erſtlichen / ſo
thun wir dienſtlichen vñ freuntlichen erinnern /
alle vñd einen yedern / ſo wieder vns zu dienen vñ
zu kriegen angezogen werden / auß Chriſtlicher
liebe zubedencken / was man doch vor vrsache
wieder vns habe / odder haben müge / denn ob

wir wol auff anhalten vnser wiederwertigen / die
gerne da es inn yhrer macht stünde / zu vorterb
dieser Lande einen Ryeg erregten / inn die Key.
Nicht gekomen / so müge wir doch mit Warheit
schreiben / das wir vns zuuor vñ auch hernacher
zu allem schuldigē gehorsam / auch zu allen müg
lichen dingē aller vntertenigst erbotten / doch mit
stets anhangender aller vntertenigster demütiga
ster bitt / Vns bey dem waren reinen / vñ alleine se
ligmachenden wort Gottes / den hochwürdigen
Sacramenten / wie die von vnserm Deylande
Christo Ihesu / selbst eingesatzt / der Augspur
gischen Confession vñ bekentnis / auch vnserm
alten herkommen vñ freyheiten / genediglichen zu
lassen / thun vns auch noch ytzo aller vnderthe
nigst gegen der höchsten Römischen Key. May.
vnd allen Thur vnd Fürsten vñnd Herren / auch
ydermännlichē zu allen schuldigen gehorsam /
aller gebür aller vnderthenigst vnd dienstlichen
erbieten / Wollen auch hiemit vor Gott vnd der
Welt bedinget haben / das wir zum kriege / vor
terb vñnd Blutuorgiessen / keine vrsache geben /
sondern mit allen lieben Christen / neben dem leib
lichen gehorsam gegen der Oberigkeit / gerne
bey Gott vnd seinem Wort bleiben / vñnd nach
diesem vorgenccklichen leben selig werden / vñnd
ewig leben wolten. Nun weis der liebe Gott
vñ alle Christen / das es nur darumb zuhunde /
vñnd dis die einige vrsach ist / nicht alleine vnns
als die wenigsten / sondern auch alle Christen /
was

was stands die sein / mit list vnd gewaldt antzu-
greiffen / von **GOTTES** Wort zu dengen /
vnd die Bestliche gewel / lügen / Gottes leste-
rungen vñ Abgöttereyen / zu vnser aller ewigem
verdammis / wieder auffzurichten / wie es denn
leider inn der löblichen Deudtschen nation an
vielen örthen / Landen vnd Stetten schon / Gott
sey es geklaget / im werck ist / das man der örther
nimmer die Göttliche Wahrheit leiden wil / auch
nicht frey bekennen darff / Vñ das ist im grunde
die sache / worumb man vnns vñnd allen Chris-
sten zu wil / das auch vom Babst vnd seinem an-
hange zum höchsten getrieben wirdet / Vnd dis
ist die ursache des vnghehorsams / das wir vns
zum Teuffel / vñ in sein reich nicht begeben wol-
len / Wer kan vnns aber mit gutthem gewissen
darumb Verdencken / Das wir begeren / bey
dem reinen **WORT** des Ewigen Lebens
zubleiben.

Es wissen die Christen wol /
das es nicht newe ist / sondern das dawieder
die Welt von anfangt her getobet / gewütet vnd
das nicht hat leiden können / vnd stets die Chris-
sten verfolget. Vnd die Christen seint
des nuhmehr durch die heilige Göttliche Schri-
fft wol berichtet / das sich ein yeder Christ bey
verlust seiner Seelen heil vñ seligkheit zu **GOT-
TES** wort / frey vnd öffentlichen bekennen / vñ der
Welt nicht Denckeln noch hoffyren / sondern
in dem Gott dem **WELLEN** mehr denn dem
Menschen / gehorsam sein muss.

Wenn
man

man auch gleich nach den gesatzte gemeinē rechte / darmit in zeitlichen sachen die Welt regiret wirdet / von diesen dingen reden wil / so wirdt yhe darynne verordenet vnd gesatzet / das der vnterer dem Obern inn sein recht nicht kan greiffē / noch das viel weniger auffheben. Zu dem weñ die Oberigkeit vber yhre benolen ampt hergreiffet / das man yhr denn in dem nicht allein keinen gehorsam darff leisten. / sondern sich auch dagegen des vnrechten gewalts mag auffhalten. So besagen auch die gesatzten Rechte selbst / wie es denn auch ane das ewig war ist / vñ in der heiligen Schrift ergründet / das man nicht schuldig sey / der Oberigkeit wieder Gott zugehorsamen. Nuhn mus yhe ein yher bekennen / vñ vnserm lieben Gott die ehre geben / das ehr nach antzeige der heiligen Schrift / der König aller Könige / vnd ein Richter der gantzen Welt ist / vnd also der aller Oberste / wie ehr denn auch dafür wil vnd mus geachtet vnd gehalten werden / Vñ auch gewaltigliche Dimmel vnd Erde alleine regiret / vnd alles inn seiner handt hatt / Darumb so mus man bekennen / das die Oberigkeit die macht nicht habe / vnserm lieben Gott als dem aller Obersten inn sein Recht vnd gewalt zu greiffen. Nuhn ist es yhe allen Christen wol bewust / vnnd so öffentlichen am tage / das man es auch schyre an der wandt mag greiffen / das zu diesen vnsern zeiten / mit dem INTERIM vñ andern / ordnung
gen

gen vnd fürnehmen in G^DTes des aller höch-
sten Wort vnd gewald / griffen wirdet / vnd das
also die Oberigkeit / yhre beuohlen ampt vber-
trit / Derhalben yhr auch inn dem nicht alleine /
nach der heiligen Schrifft / sondern auch nach
den gesetzten Rechten / nicht zugehorsamen /
Die sich auch vnterstehet / das liebe wort G^DT
tes / wie das lange yar her / außs G^DTes gena-
naden / in der Deudschen Nation den Menschen
verkündet / außszurotten / vnd an stadt desselben /
des Babsts Lügen vnnnd Abgöttereyen / wieder
auffzurichten / vnnnd also die Christen vmb das
ewige zu brengen.

Auß dem denn noth-
wendig erfolget / das vns vñ den Christen / von
der Oberigkeit kein vngheorsam noch Rebellion
kan aufferlecht / noch zugemessen werden / wie
der Gott zugehorsamen / vnd das vns vnd alle
Christen / nicht alleine die Weilige G^Dttliche
Schrifft / sondern auch die gesetzten Rechte /
des vormeinten vngheorsams genugsam ent-
schuldigen.

Auß dem allen denn auch /
sich ein yeder selbst zuberichten hat / so ferne ehr
ein Christ sein wil / das ehr sich mit guttem
gewissen wieder vns vnnnd andere Christen zu
Kriegen / vnnnd vns zu vbertziehen helffen / nicht
mag gebrauchen lassen / Vnd ein yeder mag wol
glauben / vnnnd erscheinet auch öffentlichen das
man mit diesem Kriege vnd verfolgunge / nicht
allein vns von Magdeburgt / odder ander Chri-
sten meinet / sondern das tag vnd nacht darauff

B

gedacht

gedacht vnd practiciret wirbt/wie man die ganze Religion des waren Göttlichen Worts/des selben Prediger / zuhörer vnnnd alle bekennen der Göttlichen Wahrheit/müge gantzlichen außrotten/vnd das also/ Gott vnd sein Wort/ inn vns vnnnd andern Christen verfolget vnnnd bekrieget wirdet/inn betrachtunge/das nach antzeige der Göttlichen Schrifft/ die Christen des DLR ren Christi gelieder/ vnd inn Christo dem heupt ein leichnam sein/Vnd das der DLR selbst spricht/Wer die antastet/das der tastet seinen augenapffel an / Vnd das ehr auch zu dem Paulo gesagt / Saule Saule / worumb verfolgestu mich/damit ehr seine verfolgten Christen gemeisnet.

Wer sich nun wieder seine Brüder vnd mitchristen würde bewegen lassen/der mag wol gedenccken/das ehr nichts gewissers/denn der straffe vnd des zorn Gottes/am Leibe/ vnd Seele zuerwarten habe.

In dem wolle auch ein yeder ehrlicher Kriegsman/ das fürbilde der Alten/ vor vns gewesenen Kriegssleute ansehen / vnnnd wol zu hertzen führen/was von denen geschrieben stehet/Wenn die von den Römischen Keysern wieder yhre Brüder / die mitchristen zu kriegen seint erfordert worden/das sie den dienst/frey vnd starck abgeschlagen/vnd die Christliche antwort geben haben/ Das sie inn dem/den allerhöchsten Keyser des Himmels / mehr müsten fürchten vnd vor augen haben/darbey sie auch bestendiglichen geblieben/

Ja wie denn auch geschrieben stehet / das der
heilige Kriegsman der liebe Sanct Mauritius/
als ein löblicher Ritmeister / mith alle seinen Les
gionen / als sie wieder die Christen / dem Röm
schen Keyser / nicht haben dienen wollen / das sie
darüber yhr Bludt vergossen haben / Wie wir
denn zuvor inn vnserm yüngsten Ausschreiben /
des auch herliche alte Exempel außs der heiligen
Schrift angetzeigt haben / Vnd in sunderheit /
außs dem Buche der Richter / da die Jüden von
den mechtigsten Stämmen / nur stille geseßen /
vnd zugesehen haben / das yhre Brüder die an
dern von den geringsten / von den Gottlosen sein
den seint vberzogen / vnd dem **HERREN** / vnd
dem armen heufflein / nicht zu hülfte kommen /
Das sie von dem gesanten Engel Gottes / seindt
verflucht worden / Wie denn das die Wirdigen /
vnser lieben Prediger / vnd diener des Göttlichen
WORTS / inn yhrem Schreiben weiter vnnd
grünllicher / werden bewerren vnnd außsfüh
ren.

Ob nuhn yemants fürwenden /
vnd yhm gedancken derhalben machen würde /
das wir etzliche Deuser vnd Dörffer ynne bet
ten / die vns nicht zukemen / vnnd also das zeitli
che suchen solten / auch außsfielen / raubten / alte
Leute vnnd Kinder ermorten / alle vnzucht tries
ben / vnnd geschwinde mit den Leuten vmb
gingen.

Was nuhn die inhabens
den Deuser / Dörffer vnd güther belanget / hat
es die gestalt / das es vnser meinunge nie gewes

sen/auch noch nicht ist/dieselben güther vor das
vnser zu behalten / seint auch stets/daher des er=
bietens gewesen/vnd noch/wenn vns vnnd den
vnsern ein bestendiger friede/vnnd die gemeinen
Strassen frey vnnd sicher gelassen werden / das
wir die stunde / die Denfer entrennen wol=
len.

Weil man aber damit vmbgehet/
GOTTES Wort / vnd also das ewige vnd zeit=
liche/vns zunehmen/vnd vns in grundt zuuor=
terben/Vnnd das die Dberigkheiten vber yhre
ampt vnnd inn Gottes gewaldt vnd Regiment
greiffen/vnd ane auffhören/vns vñ die vnsern/
eine gute zeit her angreiffen/beschedigen vnd be=
rauben lassen / denen wir doch nichts zu leit ge=
than/so kan man vns yhe darumb nicht vorden=
cken / das wir zu vnser vnuormeidlichen nod=
turfft gedrungen werden/die yenne/ so vns vnd
die vnsern beschedigen/berauben vnd plündern/
vnser feinde/haufen/hegen vñ yhnen wieder vns
fürschub thun/wieder nach zutrachten / so seint
auch von den vnsern / wieder alte noch Kinder
erwürget/auch gegen Frauwen vñ Junctfrau=
wen keine vnzucht getrieben / das denn auch
kein Mensche auff Erden mit Warheit sagen
darff.

Aber das gegen spiel ist öffent=
lich am tage / das wir eine guthe zeit her zugese=
hen / das die vnsern/in vielerley wege beschedi=
get / beraubt / geplündert / vnnd auch dero viel
grüntlichen vertorben / vnd das man sich auch
auff der nachbarschafft vnterstanden / etzliche
arme

arme Leute / darunter auch ein armer wansinniger
betler gewesen / mit der scherffe zu martern / all
hier etzliche des Raths mit vnwarheit zubetichte
vnd zubefagen / vns also mit lauterm vngrunde
zuuerunglimpffen.

Auch das vnser vnd
der Christen feinde in frömbde abgefessene Leute
stecken vnd bilden / als solt man hier bey vns /
den Ehestand nicht in ehren vnd wirdden halten /
vnd wie es ethwan zu Münster zugegangen / hier
ein vnordentlich wilt wesen sein solte / das wolle
wir vnser Nachbarn vnnnd alle die yenne besagen
lassen / die alhier an vnnd abereysen / das Gott
lob sichs so nicht erhelt / wie denn das vns die
öffentliche Warheit wol enthschuldiget / vnnnd
wirdt vns felschlichen vbertichtet.

Wir
hoffen auch nicht / das wir vnrecht daran thun /
das wir die angetzeigten Deuser / Flecken / Dör-
ffer vnd güther / zur noth vnd beschützung vnser
Kirchen / vnd Christlichen gemein gebrauchen /
denn die güther seint yhe mit zu der noth ge-
stiftet / vnnnd hieher zu dieser Kirchen gegeben
worden / Wir befinden vns auch schuldig / im
fall dieser noth vnd verfolgung / da sie doch zu
vnterdrückung vnser Christlichen Kirchen
wolken gebraucht werden / dem fürzukommen
vnd solchs damit zuhindern.

So ifts
auch im alten Testament nicht vngebrenchlich
gewesen / das in fürstehenden Kriegen / gelt vnd
güter so auch zum Danse vnnnd zur ehre Gottes
verordenet gewesen / vmb gemeins heills willen /

gebraucht worden / Wie es denn auch die gemeinen gefatzten Recht nachlassen / der Kirchen güther zu entfreihunge der gefangenen Christen gantzlichẽ zuentessern. So nun das in den gefatzte rechten wirt nachgelassen / viel mehr muss das nicht vor vnchristlich geachtet werden / mit der hieschen Kirchen güthern zu hindern vnnnd zu weren / das diese ware vnser Christliche Kirche vnd gemeine / von den Gottes feinden / vnnnd verfolgern Christi / nicht vnterdruckt vñ verstedet werde / doch seint wir des erbietens wie oben gehört worden.

Vnd bitten dem allem nach dienstlichen vnd freuntlichen / vbr lieben Christen / wollet vns als ewere mitbrüder vnnnd mitgelieder Christi / nicht alleine nicht helfen bekriegen vberziehen noch beschweren / vnd ewere hertzen vnnnd hende / mit der Christen / ya Christi selbst Blut nicht besflecken / Sondern vns in dieser gemeinen sache / mit aller Christlichen hülffe vnd beystandt / nicht verlassen / vnnnd mit vnns vnsern Gott / in nhamen seins lieben Shons / vnsern **DEAREN** Ihesu Christi / von hertzen demütiglichen vnnnd ernstlichen helfen bitten vnnnd anruffen / das ehr vns / vnd alle seine lieben Christen / wolle auß genaden vnd barmhertzigkeit / bey der reinen Lehre seins heiligen Worts / inn seinem gehorsam / vnd in seiner waren Christlichen gemeinen Catholischen Kirchen / bestendiglichen erhalten / vnd vns vnd allen Christen / seinen Geist vnd gnade geben / sein heiliges


heiliges Wort wieder allen gewaldt / getrost //
frölich vnnd vnerschrocken / ane alle heucheley /
öffentlichen zubekennen / vnd darbey entlichen
zubeharren / vnnd vns alle / vor der Antichristi-
schen Beshlichen falschen Religion / Gottes
lesterungen vnd Abgötteryen / auch vor allen
Menschlichen beschonungen / man gebe denen
ein farbe odder schein vor der Welt / wie man
wil / Vnd vor allen Gottlosen bösen anschlegen
behüten / Vnnd das die bösen anschlege / nicht
vor sich / sondern zu rücke gehen / zu ehre seins
heiligen Namens / vn̄ zu trost seiner lieben Chris-
stenheit / Das alles / wirt one zweiffel zu GOTT-
TESehr / vnd der gantzen waren Kirchen wol-
fart gereichen.


Vnnd wir seint euch
allen / vnnd einem yedern / als vnsern
lieben mitbrüdern inn Christo /
in alle wege / nach alle vnsern
vermögen zu dienen
gantz willig.

[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]







LB 2992

